

Stoim, John Ch. (1838-1902)

# EPISTOLA INVITATORIA

ad

Observationes Magneticæ Variationis communi  
studio junctisq; laboribus instituendas.


CURIOSO

&

ERUDITO LECTORI

JOH. CHRISTOPHORUS STURMIUS, P.P.

*Observantiam & Salutem!*

 Ulgescantium temporis progressu scientiarum exemplum inter cætera luculentissimum, adolescens indies magis magisque Magnetismi *Secreta* nobis exhibet. Etenim, ex quo mirandi lapidis ad mundi polos & axem suos accommodandi virtus, à tribus quatuorve retrò seculis, innotuit (alteram enim ejus attractivam, quam vocant, facultatem, nulli forsan ævo ignoram, hic attingere nihil attinet) & acús verforiæ pyxidisq; nauticæ usus (cujus inventi honorem Italis, & Amalphitano cuidam sive *Goje* sive *Gira*, debemus) ineffabili Rei Nauticæ compendio divulgari coepit; inventa priorum subinde suis locupletarunt observationibus posteriora tempora, cum in aquis librati magnetis verticitatem *Rogierius Bacon*, deinceps *επιροχαλυσεκλισιν*, h. e. variam ejusdem & verforiarum acuüm à meridiana linea, in variis terræ locis, deviationem *Sebastianus Cabottus*, earundemq; in Azoribus Insulis *ακλισιν* *Gonzalus Oriedus*, Inclinationem deniq; tum harum tum ipsius magnetis ad viciniorum terræ polum *Robertus Normannus* &c. animadvertissent: Neq; defuisse huic nostro seculo, quo, ex more suo, ditaret & locupletaret transmisso ad se magneticæ quoq; hujus notitiæ thesauros, in propatulo est.

Dudum enim ipsi suboluit, Declinationesistas, quas vocant, sive deviationes magneticæ directionis, tametsi alibi in orientem, alibi in occidentem, hic plus, ibi minus, exerrent, etiam sub uno eodemq; meridiano,

);(

non

non exerrare tamen absq; omni regula; sed, cum e. g. in Corvo, Flandricarum Insularum una, seprentionem ipsum exactè monstret acus magnetica, inde progrediendo versus ortum, sub eodem fere tractu latitudinis, ejus deviationem Orientalem subinde crescere usq; ad Pleymuthensem meridianum sub longitudine 30. gr. inde paulatim iterum decrescere ad 60. usq; longitudinis gradum; à quo termino deinceps in occidentem deflectere occipiens, similia subeat diverticuli incrementa & decrementa; donec sub longitudine 120. gr. in viam quasi rediens, mox in orientem iterum magis magisq; evagari sustineat: Cujus rei testes, inter alios, nobis allegat *Simon Stevinus* Lib. V. de la Geographie Def. 1. *Petri Plancii* Observationes bene-multas, non sine magno sumptu & labore multo collectas; quibus, cum Viris Doctissimis aliis, succinit *Nobilissimus* Dn. LEIBNITZ IUS, nuper, per adeo in epistola quadam ad Amicum testatus, in manibus se habuisse, itineraria navigationum in Indiam Orientalem, ubi in toto cursu itionis & reditionis, penè quotidie aut certè sæpissime, observata erat declinatio & notavisse, quod, nave parum multumve progressâ, etiam parum multumve mutaretur declinatio &c.

A paucis autem retrò annis illud porrò animadverti cœptum est: Sicut in diversis locis variat memorato antè modo magnetis deviatio; ita nec in uno eodemq; loco (quod creditum hætenus fuerat) eandem illam manere ac perpetuam; sed subinde, nec prorsus tamen irregulariter & subfultoriè, verum gradatim & sensim, ab Oriente v. g. ad lineam meridianam, & hinc porrò in Occidentem, evagari, inde, sè conjecturis locus est, salutaris limiibus, ad eandem meridianam suo tempore paulatim iterum redituram. Sic *Adrianus Auzout*, testibus Ephemeridd. Romanis ad annum 1670, Romæ, aliquot lineis meridianis quam potuit fieri diligentissime ductis, loco commodo eoq; diverso, circumspèctis probe undiq; angulis omnibus, ne quid ferri aut alterius avocamenti circa marmor cui lineas induxerat inveniretur, adhibita insuper acu magnetica, tres ulnæ Romanæ quartas longâ, deprehendit in omnibus istis lineis, hanc à meridiana in occasum plusquam duobus gradibus aberrare; cum ex Observationibus olim ibidem habitis constaret, acum orientem versus ad octavum usq; gradum declinasse. Eodem anno d. 22. Jun. St. N. *Celeberrimus* *Hevelius*, qui anno 1642 Dantisci magneticam declinationem summa industria observaverat, & unâ cum ipso eodem tempore, sed Regiomonti, *Clarissimus* *Linnemannus*, occasum versus ad gr. 3. min. 5. utrobq; conversam, aliter longè quàm olim rem habere deprehendit, & declinationem, iterû quàm studiosissime inve-



investigatam, ad 7. gr. 20. min. eandem plagam versus, tunc omnino ver-  
gere; sic ut 28. annorum spatio ad 4. gr. 15. min. aucta fuerit. Et cum  
hujus ejusdem Viri ingeniosi labores anno 1635. eandem declinationem  
duos tantum gradus, anno 1628 unicum fere à meridiana occasum ver-  
sus abesse notassent, quam seculi hujus initio tamen, vel exeunte priori, ad  
ortum, & quidem 8. gr. 30. min. extitisse *Clarissimus Crügerus* ejusdem olim  
Præceptor, constanter asseveraverat, ac in delineandis Sciatericis semper ad-  
hibuerat; inde, Declinationem magneticam Dantis ci singulis fere septenis  
annis, aut accuratiùs loquendo annis 6 & mensibus 7, ad integrum gradum,  
& sic anno uno 9 min. 6. sec. excrecere &c. quæ Vid. Lib. I. Machin.  
Cœl. Cap. XVI. p. 359. Quo eodem loco meminit Anglicarum quarun-  
dam Observationum Lymhousii prope Londinum, primum à *Cl. Burrusio*  
anno 1580, deinde à *Cl. Contero* anno 1622, deniq; à *Cl. Gillebrando*  
anno 1634. habitatum; quarum prima declinationem 11. gr. 16. min.  
secunda 5. gr. 56. min. tertia 4. gr. 3. min. 30. sec. in Orientem sc. demon-  
straverunt.

Atque hæ ipsæ Anglicanæ Observationes errorem *Ingeniosissimi Dn.  
Petiti* correxerunt, quo erroris ipse veteres accusaverat in observanda  
magnetis declinatione, cum ipsam in tribus diversis lineis meridianis anno  
1630 in diversis locis Urbis Parisiorum, non nisi 4½ gr. versus Helleston-  
tium comperisset, antiquitus, *Orontio Fineo & Castel-Franco* testibus, 9 aut  
10, aliis juxta *Sennertum & Ossusium*, 11½ gr. supputatam. Hanc igitur  
diversitatem cum non ex errore quodam Veterum, uti primum putaverat,  
sed è reali Declinationis mutabilitate pendere, jam cœpisset credere; ut se-  
metipsum penitus convinceret, subinde nova fecit experimenta in diversis  
locis, decrecere continuè declinationem observans; ita ut anno 1660  
mense Junio, postquam meridianam lineam exactissimè, per varia Azi-  
mutha, ope quadrantis ærei 6 pedd. in diametro habentis ante & post me-  
ridiem capta, designasset, eidemq; notæ melioris acûs, unam 7 aliam 10 di-  
gitos longam, applicuisset, eas reperiret unum tantum gradum vel circiter,  
& anno 1666, 10. min. non amplius, proximeq; sequenti 1667 adhuc  
minus, declinare.

Eadem pene fata, quæ *Dn. Petiti* Parisiis, Norimbergæ nostræ Vi-  
rum verè-*Experientissimum* JOH. GEORGIUM VOLCKAMERUM, Med. D. &  
Practicum ex multo tempore felicissimum, pronuper manserunt, ut, igna-  
rus commemoratarum ac similium Observationum omnium, in hanc de-  
clinationis magneticæ diversitatem incidens, erroris primum antiquorum

traditiones inſimulare, deinde verò, monitus aliunde, iis præſertim quæ de  
*Dn. Anzouti* Obſervatione *Li Giornali Romani* legenda offerrebant, inſtitutis  
 omni cura & induſtria pluribus diverſo tempore experimentis, illud va-  
 riantis Declinationis Phænomenon apprimè confirmaret. Is enim, ut  
 alioquin eſt rerum pulchrarum omnium curioſus ac ſciendi, provehenda-  
 rumq; ſcientiarum, cupidiffimus (quo nomine quoq; inter Naturæ Curio-  
 ſorum capita *Heliantibi* nomen dudum obtinuit;) ita ſciaticorum deſi-  
 gnandorum exercitio jucundiffimo frequentius inſudantem, anxium pri-  
 dem cum haberet, quid cauſæ tandem ſubeſſet, quòd, quæ tantâ curâ, ſe-  
 cundum artis regulas, in planis præſertim immotis ac declinantibus, quàm  
 exactiffimè delineâſſet, ſolaria notabiliter à cœlo diſſentirent omnia; fru-  
 ſtra tentatis variis, ad corrigendum errorem, & præcavenda præſertim,  
 quæ ſuſpicabatur, magnetis avocamenta, ſubſidiis, ipſam tandem huius  
 declinationem (quam Orientalem & 8 quidem gr. heic locorum con-  
 ſtanter eſſe cum artiſcibus hætenus crediderat) ſub examen revocare con-  
 ſtituit. Designatis ergo in loco plano fixoque circulis aliquot, & erecto  
 ex eorum centro communi ſtylo, cum lineam meridianam ſecundum  
 modum vulgatiffimum adinveniffet, applicatæ decenter magnetica pyxi-  
 dis acum, non in Orientem, ſed, quod nunquam fuerat ſuſpicatus, in oc-  
 cidentem notabiliter declinantem admirabundus intuetur, & rem novam  
 ac inſolitam, poſtquam iterum iterumq; iſtam pari ſemper ſucceſſu ten-  
 tâſſet, Amico cuidam ſuo *Dn. Georgio Chriſtophoro Eimmari*, uti variarum ar-  
 tium, ſic Aſtronomiæ Organicæ cum primis & Gnomonices etiam peritiſſi-  
 mo Viro, narrat, oſtendit, inculcat, ac deinceps, huius ejusdem ſolerti auxilio  
 & ſingulari dexteritate, meridianâ lineâ in loco aperto magis, modis va-  
 riis & vulgari iſto plerisq; accuratioribus, designatâ, diverſis annorum plu-  
 rium partibus magis magisq; confirmat; Occidentalem acuum Declina-  
 tionem conſtanter ad ſtum uſq; gradum reperiens. Et hanc quidem rem  
 omnem, (cujus tota ratio ex adjecto Schematiſmo plenius intelligi pote-  
 rit) oculatorum teſtium plurium meoq; poſt cœtera teſtimonio compro-  
 batam, cum ad *Regiam Anglorum Societatem*, ante biennium & quod ex-  
 currit, detuliſſem, ab Ejusdem Secretario *Dn. Roberto Hookio* d. 6 April,  
 „St. V. 1680 hoc reſponſi accepi: Meam iſtam de acu magnetica  
 „narrationem opportuno tempore iſthuc perveniſſe, eo ipſo quippe, quo  
 „toti fuiſſent in ejus rei diſquiſitione, cum nuperrime fuiſſet illius variationis  
 „experimentum captum *Greenvici*, 4 mill. Londino remoto loco, & re-  
 „perta declinatio 4½ gr. à Septentrione in occaſum: ex eo tempore monuiſ-  
 ſe

se se per literas complures Anglorum suorum, quibuscum literarum com-  
mercium sibi intercederet, ut similia suo quisq; loco tentaret &c.

Hæc omnia verò *Lectori Erudito*, tametsi plerorumq; ante satis gnaro  
proculdubio, in memoriam hîc revocare id eo constituimus, ut nobiscum  
perpenderet, annon optandum esset cum *Nobilissimo Hevelio*, ut hocce ne-  
gotium ubivis locorum majori quodam conamine, quam hactenus, à stre-  
nuis rerum naturalium Scrutatoribus fusciperetur, & communicato con-  
filio passim experimenta, secundum certas leges ex pacto quasi quodam &  
unanimi consensu receptas, instituerentur. Quod equidem consilium  
cum à *Nobilissimo V O L C K A M E R O* nostro Viris quibusdam Doctissimis  
per literas expositum, eorundemq; calculo comprobatum omnino fuisset,  
consultum deniq; Viro evehendæ humanæ sapientiæ & felicitatis cupidissi-  
mo visum est, ut Epistola quædam invitatoria meo nomine in publicum  
prodiret, quâ Curiosi Germaniæ saltem nostræ passim, ad magneticæ de-  
clinationis Phænomena curatius impostero notanda, remq; adeò totam  
junctis viribus sollicitè perficiendam, excitarentur. Cui quidem ejus tam  
justo desiderio deesse tantò minus potuimus, quo magis animus noster  
sponte suâ in id studii laborisq; genus fertur, & experimentorum singulari  
voluptate dudum capitur; & quo plus fructus & utilitatis ex eo consilio  
tam Naturali Philosophiæ quàm Reipublicæ, Nauticæque cumpri-  
mis, expectandum inde judicavimus. Primum enim, cum *Renati*  
*Des-Cartes* (cujus Viri acumen alioquin & multa sanè in Mathesi  
ac Philosophiam Naturalem merita meritò suspicimus) ingeniosa præ-  
sumptio multo alios eò induxerit, ut cum ipso statuerent, magneticas de-  
clinationes ad solas inæqualitates terræ, quæ in ejus partibus exterioribus  
occurrant (ut alibi sc. plura ferri ramenta pluresq; magnetes reperiantur  
quàm in localis) adeoq; ad irregularem plane causam, esse referen-  
das, earundemq; variationem (quæ jam tum quorundam sagacitati subo-  
luerat) non aliunde quàm ex eo pendere, quod ferrum quotidie ex unis  
terræ partibus in alias transferatur &c. illæ profectò, quas allegavimus su-  
perius, Virorum sagacissimorum Observationes recentissimæ alia omnia  
suadere omnino videntur; quando haut obscure ostendunt, & eodem tem-  
pore per tractus terrarum bene-longos declinationis varietatem certos in-  
crementorum ac decrementorum gradus observare, & cum temporum  
decursu eandem, non irregulariter & subfultoriè, nunc in his nunc in aliis,  
ibi in ortum, alibi in occasum, hîc parum isthic multum &c. sed regulari-  
ter satis, in plerisq; simul, in eandem partem, & eadem circiter incremen-



torum aut decrementorum proportionem, mutari; prout sanè ex habitis hactenus accuratioribus Observationibus constat, in multis Europæ nostræ locis, in quibus antehac acus versoria in ortum notabiliter declinaverat, eandem ad meridianam lineam propius quotannis accessisse tandemque superatâ istâ eodem fere tempore in iisdem illis locis, simul ac semel, in occasum se convertisse, gradatim isthuc iterum & æquabiliter fere, ac longius subinde, excurrens. Quæ res si porro pluribus, & in quamplurimis sub quovis parallelo locis accuratè quidem institutis, experimentis confirmaretur; non solum indubia foret effectus admirandi regularitas, sed etiam illius causam altius longè quàm ex ferri mineris arcessendam esse, in propatulo, & (quod ausi jam sunt acutissimi quidam Viri ex paucis istis) è collectis undiq; & in ordinem tabulasque decenter digestis Observationibus, hypothesein pro explicanda rei scitu dignissimæ causâ formare, multò facilius futurum esset.

Deinde verò, deprehensâ certius istâ regularitate variantis declinationis sub unoquoque parallelo, longitudinum ex ipsa terra petendarum spes aliqua, Geographiæ insigni emolumento, fortassis esset affulsura; Rei nauticæ certè in portubus ex nota latitudine & magnetis declinatione (quam sub eadem quidem latitudine non nisi paucissima & magno intervallo, quod errare nautam prudentem non pateretur, disjuncta loca eandem habere possent) inveniendis, ingens commodum foret expectandum ex ejusmodi portuum tabulis indies magis locupletandis, qualium in eum finem primum paratarum honorem *Plancio Stevinus* allegato supra loco adtribuit. Confer. Kircher. Art. Magn. Lib. II. Part. VI. cap. I. Probl. 6.

Quamobrem, cum nulli dubitemus, externos etiam imposterum magno numero, suo quemque loco, vel popularium suorum superius laudatorum exemplo excitatos, in commune collaturos esse Observationes suas in hoc genere exactissimas; ideo Germanos etiam nostros ad institutum adeo laudabile & proficuum, eâ quâ par est observantia & humanitate, invitare nunc audemus, insimulque quibus aut conditionibus aut legibus nobis, & Amicis quibusdam Viris Prudentissimis, hoc Observationum genus institui videretur omnium commodissimè, monere; ita tamen ut aliorum quoque monita & consilia meliora non solum accipere promptissimè, sed & sequi libentissimè certum sit.

I. Uno circiter eodemque anni tempore Observationes ab uni-versis institui, consultum foret proculdubio, & nomi-



nominatim proximis *Æquinoctio* utriq; & *Solstitio* æstivo diebus; prout huic aut istis observandi quisq; modus magis fuerit accomodus: Imo, designatæ semel exacte meridianæ lineæ super immobili quodam plano, singulis postea mensibus acum versoriam applicare & si qua interim *Declinationis* varietas acciderit, notare haut inutile futurum esset.

II. Quibus ad manus sunt quadrantes & Instrumenta grandiora in minutias graduum divisa, cum Auzuto, Perito &c. per *Azimutha* & altitudines solares rem felicius conficiant, aut eorum modorum uno, quos habet *Kircherus* Lib. II. Art. Magn. Parte VI. cap. I. Alii his destituti mediis, *Hevelianâ* methodo, quam *Cœlest. Mach.* Lib. I. cap. XVI. variam tradit, *Eimmarti* nostri Schematismo haut obscure expressam, citra magnas impensas & cum fructu utentur: nemo autem stylorum erectorum umbris (quæ vulgatissima cæteroque ratio est) aut similibus confidet, nisi in subsidium & cæterorum experimentorum confirmationem; quandoquidem in plurium, diversâ methodo institutarum, Observationum consensu, meliores à sequioribus etiam aliquid roboris accipiunt.

III. Præstaret etiam duas minimum acus in quavis Observatione adhiberi, easq; quàm optimas & nec parvulas nimium, quæ differentias *Declinationum* exacte satis indicare non valent, neq; valde grandes, quas mole sua magneticam virtutem frequentius eludere experti sumus, sed mediocres, agiles & vivaces; & pyxides ita fabrefieri, ut in fundo arcum saltem plurium graduum in minuta singula, aut quina saltem, transversalibus lineis divisorum, haberent: quales equidem ab artificibus *Normbergensibus* peritissimis omni studio pretioq; justo ut parentur, se curaturum sedulo Laudatissimus D<sup>N</sup>. VOLCKAMERUS recepit.

IV. Esse



IV. *Esse verò ad hoc Observationum genus ejusmodi locum eligendum, qui planus & ad libellam exaequatus nulla latentis magnetismi aut vicini ferri fallacia suspectus sit, nobis etiam non monentibus, unusquisq; facile judicabit.*

Sicigitur juncto studio & unanimi conatu si Curiosorum quisq; suo loco per universam Germaniam nostram ( quod idem exteros quoq; in suis quosq; regionibus pari consensu facturos nulli ambigimus ) magnetis declinationem quotannis aliquoties inquirere, Observationes porro suas, quo mense ac die, quoque instrumentorum apparatu factæ essent, quot item graduum ac minutorum à meridiana linea in alterutram partem secessio fuisset deprehensa &c. ad *Nobilissimum Dn. VoECKAMERUM* perscribere, non gravarentur, facturi essent utiq; rem nobis oppidò gratissimam & publico bono nostrâ opinione longè utilissimam: Ita salvere iterum iterumq; universos observere & officiosè; ita valere jubemus omnes ac singulos & vivere felices quàm diutissimè. Altorff Noricorum Præs. Festi Paschalis MDCC LXXXII.



TC82  
54362  
1-5125



